

ՌՈՒՍԱԿԱՆ ԲԻԼԻՆԱՆԵՐԻՅ

ՍՎՅԱՏԱԳՈՐԸ

(Ռուսական առասպել)

- էն սեպ սարերում, էն սուրբ սարերում
Նըստած էր հըսկան — Սվյատագորը մեծ,
Ձէր գալի ոուսաց հողը սըրբազան,
Ձէր կարում տանի գետինը նըրան:
- 5 Ուզեց մի անգամ սիրտը հըսկայի
Ժուռ գա մի ազատ լայնարձակ դաշտում.
Թամբեց նըժույզը իր հըսկայական,
Ժեռուտ կողմերով ելավ ճանապարհ:
Ճըխաց լանջի տակ սիրտը այրական,
- 10 Խաղս առավ ուժը երակների մեջ,
Ու դուրս է հորդում ասես խաղալով:
Նեղվում է սակայն հըսկան էն ուժից,
Նեղվում է ինչպես մի ծանրը բեռից,
Ուրիշն էլ չըկա, որ հետը չափվի:
- 15 Ու ձգում է վեր մըրկունդն իր պողպատ,
Ամպերից վերև — աչքից կորցընում,
Բըռնում է կըրկին ճերմակ ձեռներով.
Ու խոսում է նա ինքնիրեն էսպես.
— Եթե գըտների ես ուժը հողի —
- 20 Օղ կամրացների երկնի կամարից,
Օղից երկաթի շըղթա կանեի,

- Ցած կըքաշեի երկինքը ներքև,
 Երկիրն էլ տեղից ես շուռ կըտայի,
 Ողջ կըխառնեի — երկինք ու երկիր:
- 25 Էստեղ նկատեց, որ դուրան դաշտում
 Գրնում է հետի մի այլ աժդահա,
 Ու էն աժդահի ուսովը ձըգած
 Կա ճամփորդական մի փոքրիկ խուրջին:
 Եթե քըշում է նըժույզն ամեհի,
- 30 Բաց թողնում ձիու թափովը ամբողջ,
 Գրնում է հեռու ճամփորդ աժդահան
 Ու չի հասնում ձին իր հըսկայական:
 Թե մեղմ է քըշում ու դանդաղ քայլքով,
 Իր տեղն է հըսկան, չի շարժվում ասես:
- 35 Ու գոռաց էսպես Սվյատագորը մեծ.
 — Հե՛յ դու անցավոր, անծանոթ կըտրիճ,
 Կա՛ց, կանգնի տեղըդ մի առժամանակ:
 Թե քըշում եմ ես նըժույզս ամեհի,
 Բաց թողնում ձիու թափովն իր ամբողջ,
- 40 Գրնում ես հեռու քո ճանապարհին
 Ու չի հասնում ձին իմ հըսկայական:
 Թե մեղմ եմ քըշում ու դանդաղ քայլքով,
 Քո տեղն ես դու միշտ, չես շարժվում ասես:
 Կանգնեց իր ճամփին անցվորն անծանոթ,
- 45 Վեր դըրավ գետնին ուժեղ ուսերից
 Իր ճամփորդական խուրջինը փոքրիկ:
 Ու մոտ քէց ձին Սվյատագորը մեծ.
 — Ասա՛ մի տեսնեմ, դու քաջ տըղամարդ,
 Ի՞նչ է քո բեռը խուրջինիդ միջին:
- 50 Ու ճամփորդն էսպես տըվավ պատասխան.

- Ո՛վ դու փառապանծ հրսկա դյուցազուն,
 Փորձ փորձի մի առ իմ բեռը չընչին,
 Վեր առ, թե կարաս, հրգոր ուսերիդ
 Ու էնպես քըշի դաշտը լայնարձակ:
- 55 Պատասխան տվավ անցորդն անծանոթ,
 Ու ձիուց իջավ Սվյատագորը մեծ:
 Առաջ մի մատով ուզեց վեր քաշի—
 Չըշարժվեց տեղից խուրջինն էն փոքրիկ:
 Ապա մի ձեռքով բռնեց աժդահի—
- 60 Կըրկին չըշարժվեց խուրջինն իր տեղից:
 Ապա թե հասավ ողջ ուժովն իր մեծ,
 Դեմ տըվավ ճերմակ կուրծքը հրսկայի
 Ուսի էն չընչին, փոքրիկ խուրջինին,
 Բըռնեց ահավոր ուժովն իր ամբողջ—
- 65 Մինչև ծընկները գընաց հողի մեջ,
 Արյունը կաթեց ճերմակ երեսից,
 Իր տեղն է սակայն խուրջինը կըրկին:
 Ու էսպես խոսեց հրսկան զարմացած.
 — Շատ եմ ման եկել աշխարքումը ես—
- 70 էսպես հըրաշքի դեռ չեմ հանդիպել,
 էսպես մի տեսիլք չեմ տեսել երբեք,
 Չեմ տեսել էս բեռն իմ ծնած օրից.
 Ուժ ունիմ էսքան — ուժըս շի պատում.
 Ի՞նչ կա քո փոքրիկ խուրջինի միջին,
- 75 Եվ ո՞վ ես ինքըդ և կամ ո՞ր տեղից,
 Պատասխան տուր ինձ, անծանոթ հրսկա:
 — Իմ փոքրիկ խուրջնում ուժն է մայր-հողի,
 Իսկ ես Միկուլան Սեվյանինովիչ:
 Պատասխան տըվավ անծանոթ հրսկան: